



Inatsisartunut ilaasortaq
Anna Wangenheim
Demokraatit
MAANI/

Brevdato: 08-03-2024
sagsnr.: 2024-4875

§ 37 naapertorlugu apeqquut nr. 2024 – 51-imut akissut

Inatsisartut Suleriaasianni § 37, imm. 1 naapertorlugu ataani apeqquutit Naalakkersuisunut apeqqutigaatit.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: asa@nanoq.gl
www.naalakkersuisut.gl

1. Qanoruna ililluni Aningaasaqarnermut Akileraartarnermullu Naalakkersuisoq Stavangerimi VM-ertoqarneranut atatillugu angalanermut aningaasartuutai taamaallaat 4.719 koruuniusut?

Aningaasaqarnermut Akileraartarnermullu Naalakkersuisoq piffissami pineqartumi skatteminister Jeppe Bruusimik, finansminister Nicolai Wammenimik kiisalu nationalbankdirektørimik Christian Kettelimik ataatsimeeqateqassalluni Københavnimiippoq.

Taamaammat assammik arsarnermi nunarsuarmi pissartanngorniunnissamik isiginnaariarluni Stavangerimut angalaneq Københavnimit 29/11 2023 pivoq, Københavnimullu uterneq ulloq 30/11 2023 pilluni.

Siusinnerusukkut oqaatigineqareersutut angalanermi Københavnimi ataatsimeeqateqarnerit allat qallunaat skatteministeriannik, finansministeriannik kiisalu nationalbankdirektøriannik ataatsimeeqateqarnernik ilaqarput, Stavangerimullu angalanermi aningaasartuut Københavnimit Københavnimullu naatsorsorneqarpoq.

2. Ilumut angalanermut aningaasartuutigineqarsimasut aqqut tamakkerlugu Nuummiit Stavangerimut siumut utimullu ilanngunneqarsimappat, imaluunniit Københavnimiit Stavangerimut siumut utimullu kisimik ilanngunneqarpat?

Apeqquut 1-imut akissut takuuk.

a. Angalanermut aningaasartuutigineqarsimasut Københavnimiit Stavangerimut siumut utimullu kisimi ilanngunneqarsimappata, Aningaasaqarnermut Akileraartarnermullu Naalakkersuisoq Nuummiit Københavnimut, Stavangerimut angalaneq tamaat ilanngullugu, taamatuttaarlu Naalakkersuisup Københavnimi angalanerminut atatillugu

ataatsimiissutigisimanerai paasissutissatut ilanngoqquneqarput.

Københavniimi ataatsimeeqateqarnernut apeqqut 1-imut akissut takuuk.
Nuummit Københavniimut utimullu angalanerit 20.031 kr.-nut
naatsorsorneqarput.

**3. Aningaasaqarnermut Akileraartarnermullu Naalakkersuisoq
Stavangerimi VM-ertoqarnanut atatillugu ullut qassit Kalaallit Nunaanniit
aallaqqasimava?**

Apeqqummut 1-imut akissut innersuussutigineqarpoq.

**a. Stavangerimi VM-ertoqarneranut atatillugu Aningaasaqarnermut
Akileraartarnermullu Naalakkersuisoq angalanermini unamminerit qassit
isiginnaarpai?**

Aningaasaqarnermut Akileraartarnermullu Naalakkersuisoq unamminerimik
ataatsimik isiginnaagaqarpoq.

**4. TAAK-mi siulittaasoq naapinniaaraanni Stavangerimiunngitsoq kisiannili
Nuummi naapiinnarsinnaaneranut tulluarnerusoq, Demokraatit isumaat,
Naalakkersuisuniit ilalernerqarnerluni?**

Aningaasaqarnermut Akileraartarnermullu Naalakkersuisup, ilaatigut
Naalakkersuisunut Siulittaasup tulliatut, ilaatigullu Aningaasaqarnermut
Akileraartarnermullu Naalakkersuisutut, unamineq ataaseq isiginnaarppaa.

TAAK-p siulittaasua Aningaasaqarnermullu Akileraartarnermullu
Naalakkersuisoq ataatsikkut Stavangerimiittussaapput, taamaammallu
matumani ataatsimeeqatigiinneq naapertuuppoq.

**a. Aningaasaqarnermut Akileraartarnermullu Naalakkersuisup TAAK-mi
siulittaasoq naapinnissaanut Stavangerimi pinissaa aaliangersimaneranut
suut tunngavilersuutigai?**

Apeqqut 4-mut akissut innersuussutigineqarpoq.

**b. Aningaasaqarnermut Akileraartarnermullu Naalakkersuisoq TAAK-mi
siulittaasoq naapinnissaata avataasigut Stavangerimi suliaminut atatillugu
allanik siunertaqarpa?**

Apeqqut 4-mut akissut innersuussutigineqarpoq.

**5. Aningaasaqarnermut Akileraartarnermullu Naalakkersuisoq arnat
assammik arsarlutik VM-erneranni isiginnaartuinnaanissaminut kisimi
siunertaqarluni angalasimaguni, allanillu suliaminut atatillugu**

siunertaqarani, taava angalasimanerminut aningaasartuutit Nunatta Karsianut uterteqqinniarpai?

Angalaneq tamarmi Naalakkersuisutut atuunneq naapertorlugu ingerlanneqarpoq.

Naalakkersuisunut ilaasortat Naalakkersuisutut atuunnerminni aningaasartuuteqarsinnaatitaasut, Aningaasarsiaqartitaaneq pillugu Inatsisartut inatsisaanni § 7-imi allassimavoq. Taamattaaq Naalakkersuisunut ilaasortatut angalanernut aningaasartuutit Nunatta Karsianit matussuserneqartartut, Inatsisartut inatsisaanni tassani § 8-mi allassimavoq. Aningaasaqarnermut Akileraartarnermullu Naalakkersuisup sinniisutut inissisimaneq taaneqartut naapertuulluinnartutut, Kalaallit Nunaannullu naleqartutut isigaa.

6. Naalakkersuisut suliamut tunngasunik paasissutissanik allanik paasissutissiisinnaappat?

Ukiut 20-t qaangiunneranni assammik arsarluni nunarsuarmi pissartanngorniunnerni peqataaqqinnitsinni, nunatsinnut pisumut pingaarutilimmut tapersiinissaq Naalakkersuisut pingaaruteqartutut isigaa.

Inussiarnersumik inuulluaqqusillunga



Erik Jensen